



**ATAS OFISIAL DI RIUNION VIRTUAL
RIUNION DI KUMISON DI SKOLA**

Segunda-fera, 18 di Janeru di 2023

Kumison di Skolas di Boston fazi un riunion virtual na dia 18 di Janeru di 2023 pa 5 p.m na Zoom. Pa más informasons sobri kualker un di itens listadus dibaxu, vizita www.bostonpublicschools.org/schoolcommittee, email feedback@bostonpublicschools.org ou txoma pa Skritóriu di Kumison di Skola di Boston na (617) 635-9014.

PRIZENSA

Membrus di Kumison di Skolas: Prizidenti Jeri Robinson; Visi-Prizidenti Michael O'Neill; Dr. Stephen Alkins; Brandon Cardet-Hernandez; Quoc Tran; i Riprizentanti di Alunus Diego Mehta.

Membrus di Kumison di Skolas Auzenti: Lorena Lopera; Y Rafaela Polanco Garcia.

DUKUMENTUS APRIZENTADUS

Agenda

Atas di Riunion: 11 di Janeru, 2023

Rilatoriu di Riprizentanti Alunu: Atualizasons di Konsehu Konsultivu pa Alunus di Boston

Subvensons pa aprovason totalizandu \$762,300

Ata di Akordu, a partir di 1 di Julhu di 2020 ti 30 di Junhu di 2022

Diklarason di Impaktu di Ekuidadi di Munitoris di Autokaru

Pididu di Pididu Suplimentar na kuantia di f \$1,079,770 pa apoia Ata di Akordu Kuletivu di Susisor Nigosiason:pa FY23:

Rivizon di (CGCS) Siguransa di Konsehu di Grandis Skolas di Sidadi i Rikumendasons Ata

Aprizentason di CGCS PowerPoint: Siguransa di SkolaAta di Akordu, a partir di 1 di Julhu di 2022 ti 30 di Junhu di 2025

Segunda-fera, 18 di Janeru di 2023

XAMADA A ORDEM

Prizidenti Jeri Robinson inisia riunion y fasi juramentu di Fidelidadi. Sra. Sullivan fazi xamada di prizensa. Sra. Lopera y Sra. Polanku Garsia staba auzentis. Tudus otus membrus staba prizentis.

Dr. Robinson fla ki riunion dés noite staba ta ser transmitidu en diretu na Zoom. Ta torna imitidu na Boston City TV T ser publikadu na bostonpublicschools.org/schoolcommittee y na YouTube. É fla ki staba dispunível sirvisus di intirpretason simultânia na ta sta dispunível na Spanhol, Kriulu Haitianu, Kabo-verdianu, Vietnamita, Kantonês, Mandarim y Língua Gestual Amerikana (ASL) i furnesi instruson na modi ki ta ten asesu a traduson simultânia na muda kanal di Zoom. Dokumentus traduzidus foi postadus na www.bostonpublicschools.org/schoolcommittee prior to the start of the meeting.

APROVASON DI ATAS DI RIUNION

Aprovadu— Na xamada di prizensa, Kumison aprova pa unanimidadi atas di riunion di Kumison di Skolas di 11 di Janeru di 2023.

RILATÓRIU DI SUPERINTENDENTI I RILATÓRIU DI RIPRIZENTANTI DI ALUNUS

Sima aprovadu pa intraga.

Obrigadu Senhora Prizidenti. Boa noiti pa tudus nhox. Dadu orden di dia, ta ser brevi ku nhas observason.

N'ta kria partilha kel ki nu tivi várius perdas pa kumunidadi BPS, más risentimenti Heidi Cahoon McEwen, Diretora Adjunta di Gabinete di Edukason Spesial i Alice Aviles, pa profisional en Rafael Hernández Dual Language School. Diretoris i kolegas spesial ta diskrevi Heidi komu inkrikelmenti apaixonada, un trabadjadora inkansável i 1000 pursentu didikadu garanti ki alunus di ensinu spesial risebi tudus kes mesti pa longu di sé karera. Puzison más risenti di Alice foi komu pa 3° anu i ser voluntariu na skola dipos di sé risenti reforma na Janeru pasadu, furnesi apoiu ku ki skola mesti, i era frekuentementi vistu pa pikenu -almosu ku Las Traviesas. Mesmu na reforma, nunca sai di Skola Hernandez ou BPS! Sirvisu di Alice ku nos prulonga pur más di 33 anos, i ligadu ki dexa foi inspiradu. Foi uns Simana difisel ku es perdas. M kre agradezi pa nos asistentis susial i tudus kel ki sta prontu pa djuda nisesariu apoiu i manti spasu pa nos alunus, famílias i funsionáriu, inkuantu nu sta lamenta perda dés dos edukadoris istraordinariu. Pur favor, djunta ku nos na mumentu di silênsiu.

[Mumentu di silênsiu]

Obrigadu. M ta gostaba també di rikunhesi ki alguns di nós didikadu membrus di Sindikatu di Profesoris di Boston (BTU) ta fala na publiku: atrazu na rimunerason di membrus di Sindikatu di

Segunda-fera, 18 di Janeru di 2023

Profesoris di Boston, na risultadu di sés akordu kuletivu di trabadju votadu na outonu pasadu. Nu tivi oportunitadi di furnesi un atualizason skritu na riunion di membrus di BTU di Simana pasadu i també nu sta partilha li informason pa garanti ki atualizason txiga na tudu. Prizidenti Tang ten sidu un forti difensora di ses membrus di kiston i nu ta rikonhesi ki é un problema. Nu risebi un grandi fixeru di dadus di sidadi ki teni dadus di pagamentu pa kada funsióariu di BTU pa termu spesifikadu na MOA. Nu sta gosi ta rikolia es dadus pa prusesu retru pa populason elegível i pa montanti koretu (tantu pa atual komu pa antigus trabadjadoris). És prusesu é kompleksu, mas sta na kursu. Dadu grandi vulumi di rigistus, sta dura ainda más tempu di ki previstu. Dipos di konkluson, pagamentus retru ta ser imitidu. Infilizmenti, pagamentu retru ta ser emitidu dipos data di virifikason di 1/20/23, apezar di isforsu di Gabinete di Kapital Umanu pa fazi folha di pagamentu di 20 di Janeru. Nu sta otimistas di ki nu ta konsigui es retru pagu pa segundu saláriu na Fevereru (2/17/23). Nu ta atualiza rigularmenti nós parserus BTU ku nós prugresu en rilason a és objetivu i notifika kualker alterason. Nu ta intendi ki és atrazu podi afeta bó i bu famílias, i nu ta kre sabi modi ki nu ta partilha bus frustrason i nu sta fazi tudu ki nu podi pa garanti ki bu risebi bu pagamentu retru más rapidu pusivel i nu ta pidi sinseras diskulpas. Nu sta studa ativamente modi ki ivului nós prusesus i sistemas di Kapital Umanu pa torna kuzas más ifisienti internamenti i en konjuntu ku sidadi kuandu involvi un grandi numeru di funsióarius.

En termus di atualizason di Covid19, nu kre apenas agradezi publikamenti tudu sés apoiu na isforsu temporariu di maskara. M ta agradezi koperason i impenhu di tudu na manti kumunidadi di skola siguru. És anu, nu sta odja falta di funsióariu ta varia entri un aumentu di serka di 500 na 6 di Janeru i un minimu di serka di 200 na dia 9 di Janeru, ku falta di alunus ta varia entri un alta di 8.700 na 4 di Janeru i un minimu di 5.200 ti 10 di Janeru. Sima dadus ta mostra, nu sisti un ridusun di 40% na falta di alunus au longu di primerus sinku dias di skola dipos di feria. Di mesmu forma, nu sisti un diminuison di 60% di falta di funsióariu duranti mesmu periudu. Na és altura li, na anu pasadu, taxa media di frikuênsia diáriu na primeru Tersa-fera dipos dia di MLK Jr. pa tudu skola foi di 86%, és anu nu odja un taxa media diariu di frikuênsia di 90%.

M kria atualiza fuzon di skola prupostas. Sima bu sabi, nu ta prupoi fundi Sumner i Philbrick na un skola i Shaw i Taylor na un skola. Nu ta akridita ki kombinason di és kumunidadis di skola ta produzi risultadus más forti pa nós alunus – kria kaminhu kontínuo pré-6, i liberta rikursu pa ri-investi na prugramason di skola. Ainda nu sta en konversason ku és kumunidadis di skola pa aprofunda ditalhis antis di aprizenta kualker pruposta formal pa Kumison Di skola.

Un di nhas prinsipal prioridadis pa distritu é konsigui involvimentu familiar i kumunitariu, i é pur isu ki ora di inisia nha mandatu komu Superintendenti, M disidi adia kualker votason sobri és fuzun prupostas, ki originalmenti ta distinaba pa outonu pasadu. Nu sabi ki ten formas di midjora nós involvimentu familiar, alkansa pisoas undi és sta i na sés línguas nativu, i nu sta trabadja ativamente na keli. Nu ta kompriendi frustrason ki famílias sta xinti i nu sta impenhadu na manda kumunikason tudu kumunidadis Sumner, Philbrick, Shaw i Taylor más tardar ti 1 di Fevereru. Nu ta atualiza famílias sobri stadu di fuzun, datas di proximu riunion, ditalhis sobri prazu i uzu di Feramenta di Planiamentu di Ekuidadi Rasial. Nha ikipa també sta trabadja di pertu ku skritoriu di rigistu publiku di Sidadi pa fitxa kualker pididu di rigistus pendentis más rápidu pusivel. M ta manti és grupu atualizadu sobri fuzun di skola prupostas inkuantu nu ta kontinua ta involvi duranti és primavera.

Segunda-fera, 18 di Janeru di 2023

Foi otimu djunta ku Prefetu Wu na anúnsiu di Gabinete di Involvimentu i Avansu di Juventudi. És gabinete ta trabadja ku organizason sen fins lukrativus, organizason kumunitariu i dipartamentus di sidadi pa djuda reimagina trabadju di jovens i modi nós jovens nu ta mora na sidadi di Boston dés di infânsia ti adulisênsia Nu sta ansiozu pa trabadja ku és sima és ta kumesa istabelesi prioridadis di dipartamentu na mez ki sta bem.

Parabéns pa Konsilhera di Orientason di Skola Latina di Boston, Andrea Encarnacao, ki kaba di ganha Orientason orientadora di anu di Massachusetts. É foi rikunhisidu nun assembleia di skola di Martin Luther King Jr. Na Sexta-fera, 13 di Janeru. Andrea ta riprimenta Massachusetts na Washington, D.C. na Gala di Konsilhera Nasional di Anu i kompiti ku otus vensedoris di stadu di tudu país pa premiu di Konsilheru di Skola di Anu di Asosiasion Amerikanu di Konsilherus di Skola 2023. M tem orgulhu di komprumisu di Andrea ku jovens i di tudu nós konsilherus ki dizimpenha un papel fundamental pa djuda apoia ben-star imusional susial di nós alunas.

Un palavra di agradesimentu Tony Beatrice i pa Dipartamentu di Artis di BPS pur apoia na Selebrason di MLK na noiti di Kinta-fera, 12 di Janeru, na Skola Sikundariu di Burke. Obrigadu pa Sr. Silva, líder di skola di Burke pa abri skola i pa ten organizadu és maravilhozu event. Foi bon odja alunas di Burke, Boston Arts Academy, The Kenny, Edison, Kilmer, Orchard Gardens, Philbrick, Horace Mann School for the Deaf and Hard of Hearing, O'Bryant i Boston Latin School partilha na modi Dr. King inspira atravez di dansa, di múzika, di pasu i di kompozisons.

Más tardi és noiti, és obi otu rilatóriu di Konselhu na Skola di Grandi Sidadi sobri sés diskubertas sobri sigurunsa. És rilatóriu foi inisiadu komu rikizitu di Planu di Midjora Sistéma, i nu aprizentá rilatóriu pa DESE és tardi M sta gratu pa Dr. Ray Hart i tudu sé ikipa pa munti ora ki és pasa ku nós pa kompriendi i djudanu midjora sistemas i sirvisu krítikus pa nós alunas. Nu ta kontinua ta atualiza nhox sobri prugresu di implimentason di és trabadju.

Obrigadu pa bu tempu. Keli ta konklui nha rilatóriu formal.

Riprizentanti di Alunu na Kumison si Skola Diego Mehta aprizenta un atualizason sobri Konselhu Konsultivu pa alunas di Boston (BSAC). BSAC é kompostu pa 46 membrus ativos di 20 skola sikundariu di BPS

Skola Ripresentadu: ABCD High School, Boston Arts Academy, Boston Latin Academy, Boston Latin School, BCLA-McCormack, BInCA Community Academy, Dearborn STEM, English HS, Excel HS, Fenway HS, Henderson K-12, Horace Mann, JQUS, Lyon HS, Madison Park HS, McKinley South End Academy, Muniz Academy, O'Bryant Math & Science & Snowden International HS.

Tudu membrus di BSAC sta na puzison rimuneradu ku apoio di Department of Youth Engagement & Employment- Succeslink.

BSAC ta riuni Simanalmenti ti Tersas-feras di 4-6 p.m. i ti Sextas-feras di 15:00 ti 15:00 ora.

Subkumison:

- Kódigu di Konduta:

Segunda-fera, 18 di Janeru di 2023

És subkumison pritendi torna obligatóriu ki skola informa sés alunus sobri Kodigu di Konduta. Pa kria istrategia di divulgason kumunitariu adaptável i di rifleson, és kumison kapasita alunus ta inxinal sobri sés direitus inerentis.

- Saúdi Mental & Redi Susial:

És subkumison prukura rializa investigason pa kompriendi midjor efetus di redi susial na rializason akademiku i na saúdi. Informason permiti istrategia flekísivel ki midjor djuda struturas i dosentis midjora saúdi di alunus.

- Orsamentu Partisipativu:

Grasas á un generozu duason, nu risebi \$9.000 di EdVestors pa distribui pa prujetu lideradu pa jovens. És subkumison prukura riuni opinion sobri alunus, ki ta fla forma modi ki és fundus debi ser uzadu.

- Dizinvolvimentu di Adultismu:

És subkumison didikadu pa dismantelamentu di retórica adulta i di struturas ki ta priva alunus. Atravez di workshops informativu, sta pirmiti aliadus adultus pa akomoda midjor sés alunus na munti senários.

Dr. Alkins solisita un atualizason di planus di distritu pa prugramason duranti férias di Fevereru. Xefi di Família i Avansu Kumunitariu, Denise Syder, fla ki 33 skola sta partisipa na Akademia di Asilerason di Fevereru. BPS també fazi parseria ku organizason kumunitariu pa fornese pa alunus prugramason di férias di Fevereru i Abril.

Dr. Alkins pergunta si líderes di BPS ta ben uza Feramenta di Planiamentu di Kapital Riasial (REPT) pa konsidera pusivel uzu ispandidu di ditetor di metal. Superintendenti konfirma ki sé ikipa ta uza REPT É fala di sé impenhu na uza trenu di dizeskalason i prátika sensível pa trauma. É fla ki sé ikipa sta analiza un variedadi di istrategia di mitigason pa midjor sirvi alunus.

Sr. Cardet Hernandez pidi difinison di distritu di involvimentu kumunitariu i ki parti interesadu debi spera di és prusesu. É pidi igualmente más klareza sobri razon di fuzun i pontus di disizon propustu. Superintendenti fla ki algun fuzun ten di kontesi pamodi idifísio di skola sta fora di data. É fla ki fuzun ta pirmiti pa distritu dirisiona rikursu di un forma más konsentradu, pa ki tudu alunus na és fuzun podi binifisia di el. É fla ki kumunidade podi pondera mumentu di fuzun i modi é prusesu di fuzun. É fala di importansia di transparênsia i di komunikason klaru. Superintendenti fala di munti dipartamentus ki trabadja na konjuntu i trabadja ku kumunidades di skola pa apoia txeu komponentis di prusesu di fuzun.

Sr. Tran pidi pa membrus ki partilha sés difinison funsionariu di involvimentu kumunitariu i ki kritériu i prusedimentus debi ser involvidu Sra. Robinson sugiri ki Kumison diskuti asuntu nun futuro riunion.

Segunda-fera, 18 di Janeru di 2023

Sr. O'Neill pergunta pa Sr. Mehta modi ki distritu podi djuda BSAC torna más robustu. Sr. Mehta fla ki un ajuda adisional pa podi djuda aumenta adison, notandu ki nen tudu skola tèn un riprizenanti di BSAC. Dennise Rorie, diretor di Gabinete di Lideransa Juvenil, fla ki distritu ten isprimentadu dizafiu ku kapasidadi i sta trabadja pa adisiona funsionariu. É fla ki riprizenason total é objetivu. Sr. Mehta pergunta sobri ditetor di metal. Superintendenti sklaresi ki algun skola dja uza ditetor di metal, tendu konklúidu prusesu dilineadu na Sirkular di Superintendenti. É fla ki ka sta fazi ninhun rikumendason formal na ki diz respetu pa ditetor di metal nes mumentu. Dipos di ten risebidu rilatóriu di siguransa di Konselhu di Skola di Grandi Sidadi, el i sé ikipa izamina uzu di ditetor di metal komu parti di un konjuntu di istrategia pusivel pa manti kumunidades di skola siguru.

Aprovadu - Na xamada di prizensa, Kumison aprova por unanimidadi Rilatóriu di Superintendenti.

KUMENTÁRIU PÚBLIKU GERAL

Siguintis pisoas tistimunha sobri atrazu na pagamentu di salariu retroativu i subsidiu i atrazu na kontratacion:

- Jessica Tang, riziidenti na Dorchesr i Priziidenti di Sindikatu di Prufesoris di Boston
- Antonietta Brownell, riziidenti na East Boston i profesora di BPS
- Caroline Jones, riziidenti na Brockton i profesora di UP Academy Dorchesr
- Aaron Johnson, riziidenti na Milton i profesor di Liseu Internasional di Boston
- Monique Bynoe, riziidenti na South Boston i prufisora di skola Condon K-8
- Chris Buttimer, riziidenti na Cambridge i spisialista BPS Teaching Fellowship
- Theodore Smith, Warwick, riziidenti na Rhode Island i instrutor di JROTC
- Tyron Francis, riziidenti na Middletown i profisor di Lise Tékniku Prufisional di Madison Park
- Nathan Eckstrom, riziidenti na Jamaika Plain i Akademia Tékniku pa Adultus di Boston
- Hani Murad, riziidenti na Newton i psikóluga di skola BPS

Mike Heichman, riziidenti na Dorchesr i membru di Boston Education Justice Alliance, tistimunha sobri ekuidadi rasial.

Cheryl Buckman, riziidenti na South Boston i mai di Skola Primária debi, tistimunha sobri transporti.

Shery Keleher, riziidenti na Charlestown i pai di BPS, tistimunha sobri un variedadi di kiston rilasionadu ku edukason.

Eric Esves, riziidenti na Roxbury i difensor di kumunidades, tistimunha en rilason pa pulisia na skola.

ITENS DI ASON

Segunda-fera, 18 di Janeru di 2023

Aprovadu - Na xamada di prizensa, Kumison aprova por unanimidadi subvensons na valor di \$762,300.

Cardet Hernandez ispresa sé priokupason pa faktu di salariu akordadu na akordu kuletivu di trabadju di distritu ku United Steelworkers Lokal 2936 (Bus Monitors) ka ser sufisientimenti kompetitivu pa fazi fase pa atual dimuison di funksionariu.

Aprovadu - Na xamada di prizensa, Kumison aprova pa unanimidadi un Ata di Akordu entri Kumison di skola di Boston i United Steelworkers Lokal 2936 (Bus Monitors), apartir di 1 di Julhu di 2020 ti 30 di Junhu di 2022.

Aprovadu - Na xamada di prizensa, Kumison aprova pa unanimidadi un Ata di Akordu entri Kumison di skola di Boston i United Steelworkers Lokal 2936 (Bus Monitors), apartir di 1 di Julhu di 2022 ti 30 di Junhu di 2025.

Aprovadu - Na votason di prizensa, Kumison aprova pa unanimidadi un Pididu di Dotason Suplementar pa Anu Fiskal di 2023 Kámara Munisipal di Boston na valor di 1.079.770 dólaris pa apoia un Ata di Akordu pa Akordu Kuletivu di Nigosiason pa Susesoris pa piríudu di 1 di Julhu di 2022 ti 30 di Junhu di 2025 entri United Steelworkers Lokal 2936 (Bus Monitors) i Kumison di Skola di Boston.

RILATÓRIU

Council of Great City Schools Safety Review and Recommendations - Dr. Ray Hart, Diretor Izekutivu di konselhu di Grandi Skola di Sidadi (CGCS), i Willie Buroughs, Diretor di Sirvisu di Giston di Konselhu, risumi konkluson i rikumendason di rilatóriu di Konselhu sobri siguransa di alunus i di funksionariu: "Revizon di Prugrama di Siguransa di di Skolas Públikus di Boston." Rilatóriu é izigidu na âmbito di BPS - Dipartamentu di Edukason Báziku i Sikundariu (DESE) Planu di Midjora Sistema (SIP).

Sra. Robinson fla ki, di akordu ku prátika pasadu, aparti di rilatóriu di siguransa é konfidensial i ta ser diskutidu na seson izekutivu na un futuro riunion. Alguns di konteúdu di rilatóriu rilasionadu ku sé konkluson i rikumendason sobri tema di Giston di Imirgensia, si divulgadu publikamenti, podi komprimeti siguransa di funksionarius i di alunus. É afirma ki Kumison ka kre partilha kualker informason ki podi komprimeti putensialmenti siguransa di alunus i di funksionarius.

Superintendenti splika ki, di akordu ku SIP, Konselhu foi inkaregadu di furnesi un vizon di giston di altu nível di operason di siguransa di alunus i di funksionarius di distritu. Spisifikamenti, distritu pidi pa Konselhu ki avalia protokolus di siguransa di alunus i di funksionarius na skola, i ki fazi rikumendason pa garanti ambienti di aprendizagen siguru na tudu distritu, inkluidu un avaliason di koordinason i komunikason entri BPS i Dipartamentu di Pulisia di Boston. É ka ta diskuti na purminor istategia sima justisa restaurativu, aumentu i apoju pa konsilheru di skola, ou involvimentu, apoju, tudu kel é krusial pa apoia kumunidadis di skola.

Segunda-fera, 18 di Janeru di 2023

Rikumendasons ta inkuadra na dós grandis áreas: Sirvisu di Siguransa, ki inklui rilason di distritu ku Dipartamentu di Pulisia di Boston (BPD), i funksionariu, ritenson i dizinvolvimentu kontínuo di ikipa di Sirvisu di Siguransa, i Giston di Imergensia, ki ta ser diskutidu na seson izekutivu más tardi pa garanti siguransa di alunus i funksionárius.

Rikumendasons inklui:

- Inkuraja Kumisárius di Superintendenti i di BPD pa trabadja em kulaborason na dizinvolvimentu i implementason di un MOU/IGA partilhadu ki ta involvi kontributu di partis interessadus di kumunidade. Nu mínimu, akordu devi
 - Prioriza oportunitadís pa pulisia konstrui rilason puzitivu ku alunus; i
 - Dizenha un prusesu di partilha di informason.
- Kria un grupu fokal di partis interessadus i administradoris apropiadus pa konsidera se BPS devi forma un dipartamentu di pulisia internu i juradu.
- Iziji ki Sirvisus di Siguransa di BPS sta más involvidus ku prusesu di kontratacion pa djuda reduzi tenpu ki leva pa silisiona i borda kandidatus.
- Mandatu di ki rigistus di aplikason di lei, identifikadus pa FERPA, rizidi sob giston i supervizon di Sirvisus di Siguransa.
- Adikiri un linha telefónika di informason anónima ou un prudutu di software pa insentiva denúnsia di komportamentus prigozus inadikuadus i privistus.
- Aborda kistons di baixa moral na dipartamentu di Sirvisus di Siguransa, insentivando formason di ikipas, riunions di nivil i oportunitadís di dizinvolvimentu prufissional.
- Prioriza funsons i risponsabilidadis em tudu unidatis di dipartamentu pa garanti ki funksionárius se sentri na práttikas di siguransa i polisiamentu di skolas, i ka na funsons abitualmente asociadus pa funsons di polisiamentu munisipal ou munisipal. Rikruta ou prumovi un giston di nivil médiu ki ta difendi abordagens di polisiamentu di skolas.
- Parseria ku Rikursus Umanus pa
 - Monitoriza taxas di rotatividadi, stabilesi protokolus di intrivista di saída pa funksionárius di dipartamentu ki ta sipara voluntariamenti di BPS, i identifika i rastrea kauzas pa sai pa identifika oportunitadís pa fazi ou rikumenda mudansas na pulitika;
 - Torna vizita, torna skrevi, atualiza i distribui diskrisons di imprego pa rifliti funsons i risponsabilidadis atual pa garanti risponsabilizason i dizenpenhu;
 - Konvida Dipartamentus di Kumunikason i Rikursus Umanus plania i ikipa oportunitadís di rikrutamentu atual i alavanka abordagens di komunikason na massa i redis susial pa ki distritu podi prienxi ku susesu vagas atual

Distritu kumesa trabadja na és áreas na anu passadu, ki ta inklui siguinti:

Segunda-fera, 18 di Janeru di 2023

- Ata di Intendimentu (MOU) ku BPD: BPS sta aktualmenti na konversasons ku BPD sobri un MOU.
- Rikrutamentu di Spisialistas na Siguransa: Ikipa di Sirvisus di Siguransa tem involvidu ku kumunidade di forma kontínua. Nu sta aktualmenti isplora oportunitadis di rikrutamentu através di kanal más formás, komo feiras di karreira.
- Moral di Ikipa: Atividadis di kria ikipa têm sta ta dikori au longu di anu. Além di keli, dipartamentu rializa parseries ku organizasons kumunitáriu, i Spisialistas têm oportunitadi di se involvi na trabadju signifikativu ku alunus através di atividadis komo menturia.
- Adoson di Midjoris Prátikas: Distritu ta involvi rotineiramenti na konversas ku otus distritus di país através di fóruns komu kunfirênsias nasional.

Kumison di Skolas di Grandi Siadai ta aprizenta inton restu di rilatoriu na Seson Izekutivu nun reunion postirior di Kumison Skolar. Ikipa Distrital ta atualiza Kumison Skolar sobri implimentason di trabadju na futuras riunions, ki ta inklui uzu di Ferramenta di Planiamentu rasial di ekuidadi pa kualker rikomendason i disizons tomadus. Rilatoriu foi submetidu pa DESE i slides di aprizentason di és noiti i un verson redigida di rilatoriu ta ser disponibilizadus na site di BPS na www.bostonpublicschools.org/strategicprogress.

Subxefi di Operason Sam Depina fla ki alguns di trabadju dilineadu na rikumendason dja sta atual en perkursu.

1. Formalizason i refinason di trabadju ki dja sta na kursu

- Distritu ten un Kumison di Siguransa, ki é un ikipa interfunsonal kompostu pa riprezentanti di Operason, Siguransa, Instalason, Teknologia i Skola. És kumison sta na prusesu di sintetiza feedback di dirigenti di skola pa informa rikumendason di planu di implimentason pa atualiza siguransa na skola.
- BPS aperfeisa i rializa multiplu formason atualizadu sobri protokolu di komunikason pa rispondi insidentis
- Ikipa di Sirvisu di Siguransa lanza un prusesu di planiamentu strategiku na konjuntu ku Gabinete di Kapital Umanu pa garanti ki sta rikruta i manti un forsa di trabadju altamenti kualifikadu i debisifikadu.
- Sob lideransa di Xefi Coakley, ikipa di Sirvisu di Siguransa ten promovidu parseria ku organizason kumunitariu, komu Big Sisters, ki da pa Spisialista di Siguransa oportunitadi di orienta alunus i involvi kumunidade di otu forma signifikativu.

Segunda-fera, 18 di Janeru di 2023

- Líderis di BPS ta involvi rotineiramenti na konversas nasional na tornu di midjoris prátikas, partisipandu na konferênsias i partisipandu na fórun organizadu pa CGCS.
2. Forma novu parseria ou rekonvolvimentu di parserus na tudu sidadi pa garanti ki alunus i funsionárius sta siguru.
- BPS sta atualmenti na konversasons ku BPD sobri un MOU.
 - Nu ta riuni Simanalmenti ku parserus i agênsia munisipal pa garanti ki nu sta trabadja di forma kulaborativu i ifisienti midida ki implementa apoius komu parti di risposta di sidadi pa insidentis i nu ta refini rikursu spesifiku disponivel pa nós famílias más vulnerável.
 - Prefetu Wu anuncia onti kriason di Gabinete di Involvimentu i Avansu juvenil, ki apoia dizinvolvimentu, involvimentu i kapasitason di jovens di sidadi. Funsionarius di BPS sta ansiozu pa trabadja na pertu kolaborason ku és ikipa.

Sr. Depina fla ki BPS sta impenhadu na uza Feramenta di Planiamentu Riasial di Ekuidadi duranti tudu és prusesu.

Dr. Alkins fazi perguntas sobri uzu di inkéritus, Superintendenti sé pensamentu sobri rilason di distritu ku Dipartamentu di Pulisia di Boston, statutu di riprizenstason kumunitariu na Kumison di Sigurunsá di distritu, i apoiu pa Gabinete di Kapital Umanu (OHC). Superintendenti splika ki funsionarius di OHC ka foi sufisienti pa apoia aumentu di vulumi di trabadju na últimus anos. OHC ta kontinua ta fazi di kontratason i di imbarki spisialistas na sigurunsá un prioridadi. Dr. Hart fla ki Konselhu ta bazeia más na observason di peritus di ki na inkéritus pa rializa sé rivison.

Sra. Cardet Hernandez pidi klareza sobri problemas ki prisiza di ser risolidu. Superintendenti fla ki distritu sta analiza sistemas di altu nível ki sta falta ki midjora sigurunsá, ben komu kel protokolu ki debi ser riforsadu ou ampliadu. Dr. Hart fla ki distritus di skola debi isforsa pa midjorias kontínuas. Sr. Cardet Hernandez pregunta modi rivison di sigurunsá ben ser inkluídu na SIP. Superintendenti fla ki é ta pidi Xefi di Skola Drew Echelson pa akompanha más informason.

Sr. Tran fazi perguntas sklaresidor sobri komu distritu lida ku registus di alunus. Asesora jurídiku Lisa Maki fla ki pa abrigu di Lei di Reforma di Pulisia di 2021, na Julhu di 2021, funsionárius di skola ou agentis di pulisia di skola perdi sés puder pulisial spesial i dexa di ter kapasidadi di kria rilatórius di insidentis. Atual polítika di Kumison di Skola sobri ilaburason di rilatórius di sigurunsá di skola ta fla ki spisialistas en sirvisu di sigurunsá podi skrevi en termus di insidenti.

Sr. Mehta pregunta se Konselhu rikumenda ki BPD é involvi más na BPS. Dr. Hart fla ki Konselhu sta inkuraja BPS formaliza sé rilason ku BPD pa diminui konfuzun sobri papel i

Segunda-fera, 18 di Janeru di 2023

risponsabilidadi. Sr. Depina fla ki asin ki MOU sta finalizadu, BPS trabadja ku BSAC pa é involvi ku alunus.

Fladu ki dadus i teknologia é krítiku, Sr. O'Neill inkuraja distritu pa uza finansiamentu di ESSER pa fazi investimentu teknológiku ki midjora ifisiênsia na Gabinete di Kapital Umanu. Sr. O'Neill pidi Dr. Hart más ditalhi sobri abordagen di Atlanta pa siguransa di alunus. Dr. Hart splika ki Atlanta ten spisialistas na aprendizagen susial-imusional (SEL) ki trabadja ku agentis di siguransa na skola. É oferesi pa poi líderes di BPS na kontaktu ku ofisial di Atlanta.

Sr. Depina konfirma pa Sra. Robinson ki tudu skola tèn kumisons di siguransa. É fla ki distritu sta na és mumentu involvidu ku dirigentis di skola sobri kiston di siguransa i protokolu.

Sr. Tran pergunta sobri rikumendason di Konselhu pa un sistema di dinunsia anónima. Konselhu pa un sistema di dinunsia anónima.

Dr. Hart sita komu izemplu trabadju ki sta ser fetu na skola públiku di kondadus di Clark, ki propursiona pa alunus un lugar siguru pa partilha sé priokupason.

Sr. Mehta pergunta sobri prusesu di rikolha di dadus di Konselhu. Dr. Hart fla ki ikipa sé involvi na un rikolha multifasetadu di dadus ki inkluí vizitas di skola, intrevista i observason.

Sr. Cardet Hernandez modi ki rilason di distritu ku BPD bai midjora risultadus pa alunus. Superintendenti fla ki BPS ka ten dadus pa kompara atitudis di alunus ku ofisial di siguransa di skola pré i pós-pandemia. É fala di importansia di ten klareza na funson di siguransa i di trabadja na konjuntu en parseria pa konstrui rilason ku alunus.

RILATORIUS NA KUMENTÁRIUS PUBLIKUS

Ninhum.

NOVU ASSUNTU

Sr. Cardet Hernandez sulisita ki funsionarius di distritu akumpanha priokupason levantadu duranti kumentariu publikus sobri atrazu na pagamentu di funsionárius di forma rapidu i presisa. Superintendenti fla ki priokupason levantadu é multifasetadu, ku alguns involvindu munti dipartamentus BPS. É fla ki é ta fornesi Kumison na proximu riunion un atualizason di progresu rializadu. Sr. Cardet Hernandez sugiri ki distritu splora kontratason di un subempreteru pa asilera pagamentus.

Sr. Tran oferesi pa fazi parti di Kumison di Siguransa di Superintendenti.

FIN

**Riunion Virtual di Kumison di Skolas di Boston
Zoom**

Segunda-fera, 18 di Janeru di 2023

Aprovadu - Pa volta di 08:40 p.m. Kumison aprova pur unanimidadi un moson, pa xamada di prizensa, pa termina riunion.

Atesta:



Elizabeth Sullivan
Sikretáriu Izekutivu